

影印

文淵閣四庫全書

第一〇九二冊

北京出版集團公司
北京出版社

本冊目次

蘇學士集
蘇魏公文集
伐檀集

宋蘇舜欽撰……………一
宋蘇頌撰……………一二七
宋蘇軾編……………一二七
宋黃庶撰……………七六一

欽定四庫全書

集部
蘇學士集
目錄
卷一至

詳校官庶吉士臣朱理

檢討臣何思鈞覆勘

總校官庶吉士臣倉聖脉

校對官中書臣田尹衡

謄錄監生臣曹淦階

欽定四庫全書

集部三

蘇學士集總目

別集類二宋

卷一

古詩二十四首

卷二

古詩二十首

卷三

古詩二十首

欽定四庫全書

蘇學士集
目錄

卷四

古詩十八首

卷五

古詩十四首

卷六

律詩三十四首

卷七

律詩三十九首

卷八

律詩四十三首

卷九

書七首

卷十

書六首

卷十一

上書疏狀九首

欽定四庫全書

蘇學士集
目錄

卷十二

啓表十二首

卷十三

記序雜文十六首

卷十四

誌銘八首

卷十五

誌銘六首

卷十六

行狀哀辭祭文五首

臣等謹案蘇學士集十六卷宋蘇舜欽撰舜欽字子美其先梓州人開封參政易簡之孫直集賢院者之子景祐中進士累遷集賢校理監進奏院坐事除名後復為湖州長史而卒事迹具宋史本傳是集據歐陽修序乃舜欽沒後四年修於其婦翁杜衍家蒐得遺

欽定四庫全書

蘇學士集
目錄

稿編輯顧修序稱十五卷晁陳二家目並同

而此本乃十六卷則後人又有所續入然費

衮梁溪漫志載舜欽與歐陽公辨謗書一篇

句下各有自注論官紙事甚詳併有修附題

之語蓋修編是集時以語涉於已引嫌避怨

而刪之此本仍未收入則尚有所佚矣宋文

體變於修舜欽與尹洙寔左右之然修作洙

墓誌僅稱其簡而有法蘇轍作修墓碑又載

修言於文得尹洙孫明復猶以為未足而修

為舜欽序獨曰子美齒少於余作古文反在

其後推挹之甚至集中昭應宮大疏乞納諫

書諸匪疏荅韓維書宋史皆載之本傳劉克

莊後村詩話稱其歌行雄放於梅堯臣軒昂

不羈如其為人及蟠屈為近體則極平夷妥

帖其論亦允惟稱其垂虹亭中秋月詩佛氏

解為銀色界仙家多住月華宮一聯勝其金

欽定四庫全書

蘇學士集

四

餅山虹之句則殊不然二聯同一俗格在舜

欽集中為下乘無庸置優劣也王士禎池北

偶談頗譏其及第後與同年宴李丞相宅詩

然宋初去唐未遠猶沿貴重進士之餘習亦

未可以深病之存而不論可矣乾隆四十

四年九月恭校上

總纂官臣紀昀臣陸錫熊臣孫士毅

總校官臣陸費輝

蘇學士集原序

子友蘇子美之亡後四年始得其平生文章遺棄於太

子太傅杜公之家而集錄之以為十五卷子美杜氏壻

也遂以其集歸之而告於公曰斯文金玉也棄擲埋沒

糞土不能銷蝕其見遺於一時必有收而寶之於後世

者雖其埋沒而未出其精氣光怪已能常自發見而物

亦不能揜也故方其擯折摧挫流離窮厄之時文章已

自行於天下雖其怨家仇人及嘗能出力而擠之死者

欽定四庫全書

蘇學士集

一

至其文章則不能少毀而揜蔽之也凡人之情忽近而

貴遠子美屈於今世猶若此其伸於後世宜如何也公

其可無恨予嘗考前世文章政理之盛衰而怪唐太宗

致治幾乎三王之盛而文章不能革五代之餘習後百

有餘年韓李之徒出然後元和之文始復於古唐衰兵

亂又百餘年而聖宋興天下一定晏然無事又幾百年

而古文始盛於今自古治時少而亂時多幸時治矣文

章或不能純粹或遲久而不相及何其難之若是與豈

非難得其人與苟一有其人又幸而及出於治世世其可不爲之貴重而愛惜之與嗟吾子美以一酒食之過至廢爲民而流落以死此其可以歎息流涕而爲當世仁人君子之職位宜與國家樂育賢才者惜也子美之齒少於子而子學古文反在其後天聖之間予舉進士於有司見時學者務以言語聲偶摘裂號爲時文以相誇尚而子美獨與其兄才翁及穆叅軍伯長作爲古歌詩雜文時人頗共非笑之而子美不顧也其後天子患

欽定四庫全書

蘇學士集
原序

二

時文之弊下詔書諷勉學者以近古由是其風漸息而學者稍趨於古焉獨子美爲於舉世不爲之時其始終自守不牽世俗趨舍可謂特立之士也子美官至大理評事集賢校理而廢後爲湖州長史以卒享年四十有一其狀貌奇偉望之昂然而即之溫溫久而愈可愛慕其才雖高而人亦不甚嫉忌其擊而去之者意不在子美也賴天子聰明仁聖凡當時所指名而排斥二三大臣而不欲以子美爲根而累之者皆蒙保全今並列於

榮寵雖與子美同時飲酒得罪之人多一時之豪俊亦被收采進顯於朝廷而子美獨不幸死矣豈非其命也悲夫廬陵歐陽脩序

欽定四庫全書

蘇學士集
原序

三

欽定四庫全書

蘇學士集卷一

宋 蘇舜欽 撰

感興三首

後寢藏衣冠前廟宅神主吾聞諸禮經此制出中古秦
嬴食失法乃復祭於墓漢衣以月遊於道蓋無取宣帝
尊祖廟失制徧九土孝元酌前文一旦悉除去魏帝樂
銅臺遺令平置歌舞昏嗣竟從之此事狂夫阻唐制益
紛華諸陵鎖嬪御曠女日哀吟於先亦奚補吾朝三聖
欽定四庫全書

蘇學士集
卷一

人乘雲不可覩威靈已霄漢嗣皇念宗祖繪事移天光
刻象肖神武徧敕舊遊地輸材起宮宇階城釳以金牆
壁衣之黼功既即奉迎法仗疊簫鼓玩好擇珍奇目奪
不可數三京佛老家已有十數處朝家雖奉先越禮古
不許君不祭臣僕又不祭支庶丹楹豈非孝聖貶甚蕭
斧大祀當以時寢廟即其所惜哉共儉德乃為侈所蠱
痛乎神聖姿遂與夷為侶蒼生何其愚瞻歎走旁午賤
子私自嗟傷時淚如雨

在昔帝堯日光宅闢四門所賓無凶邪德教日益敦末
世多濫姦九重嚴大閤扞柵主譏察誰何辨語言一闢
百力士列立甃石溫設官按尺籍唱號於未昏唐末稍
懈急嘗值外史奔京城凶豪兒奮劍闖帝藩狂呼嘯虎
豹便欲傾乾坤賴有宰相在不然神器翻我朝講制度
門籍反不存近知賤丈夫突入犯赤軒陞官未暇執
吸何其誼祖宗創業難慎重在後昆勇夫猶重閉况乃
天子尊何羅猶宜察况乃外寇屯興語一及此舌出反
欽定四庫全書

蘇學士集
卷一

論
自捫吾家本寒微世受朝廷恩欲奏鴟鵂詩當塗誰薦

瞽說聖所擇愚謀帝不罪况乎言有文白黑時利害前
日林書生自謂胸臆大潛心撫世病榮成謂可賣投顧
觸諫函獻言何耿介云昨見凶星上帝下警戒意若日
昏採出處恣蜂蠆安坐弄神器開門納珍賄宗支若繫
囚親親禮日殺大臣尸其柄咋舌希龍拜速速伐虎叢
無使自沈瘵陛下幸察之聰明即不壞如忽賤臣言不

瞬防禍敗一封朝飛入羣目已睚眦力夫暮塞門執縛
不容喟十手捽其胡如負殺人債幽諸死牢中繫灼若
龜蔡亦既下風指點而播諸海長途萬餘里一錢不得
帶必令朝夕間渴飢死于械從前有口者踣脰氣如韃
獨夫已去除易若吹糠粃奈何上帝明非德不可蓋條
忽未十旬炎官下其怪乙夜紫禁中一燎不存芥天王
下牀走倉猝畏挂礙連延舊寢延頓失若空塞明朝黃
紙出大赦偏中外嗟乎林書生生命不可再翻令凶惡

欽定四庫全書

蘇學士集
卷一

三

因纍纍受恩貸

慶州敗

無戰王者師有備軍之志天下承平數十年此語雖存
人所棄今歲西戎背世盟直隨秋風寇邊城屠殺熟戶
燒障堡十萬馳騁山嶽傾國家防塞今有誰官為承制
乳臭兒酣觴大嚼乃事業何嘗識會兵之機符移大急
蒐卒乘意謂就戮如縛尸未成一軍之出戰驅逐急使
緣嶮巖馬肥甲重士飽喘雖有弓劍何所施連顛自欲

隨深谷虜騎笑指聲嘻嘻一麾發伏雁行出山下奄截
成重圍我軍免胄乞死所承制面縛交涕洟遂巡下令
執者全爭獻小技歌且吹其餘剽馘放之去東走矢液
皆淋漓首無耳準若怪獸不自媿恥猶生歸守者沮氣
陷者苦盡由主將之所為地機不見欲僥勝羞辱中國
堪傷悲

及第後與同年宴李丞相宅

十年苦學文出語背時向勞力不自知藝園輒掉鞅薄

欽定四庫全書

蘇學士集
卷一

四

技遭休明一第君所唱拔身泥滓底飄跡雲霞上氣和
朝言甘夢好夕魂王軒眉失舊斂舉意有斯况爽如秋
後鷹榮若凱旋將台府張宴集吾輩縱謔浪花梢血點
乾酒面玉紋漲狂歌互喧傳醉舞迭闐伉茲時實無營
此樂亦以壯去去登顯涂幸無隳素尚

昇陽殿故址

昔在開元中此名昇陽殿西通大名宮夾道直如箭至
尊黃金輿乘春日幸宴翠嬪宴鐘鼓歡呼奏新編巧舞

風燕翻奴歌露鶯囀酒光射錦幄上下花會炫雕盤堆
繇英豔粉弱自戰天歡日無窮臣諫莫敢獻樂極哀繼
之在理亦可見胡來塞宮闕腥羶污香薦縱火寢廟平
揮戈君臣迸庸嗣忽前醜泚巢禍更亂丹丹竟覆亡返
爲耕牧便瓦礫雖費犂土壤頗肥行蓋由殺人多膏血
浸漬遠觸體今成堆皆昔燕趙面每因鉏耨時數得寶
玉片今秋雨澤多穀穗密如辦農惟喜豐稔吾獨悶還
變不有失德君焉爲禱夫佃大國尚如此小人易流轉
欽定四庫全書

蘇學士集
卷一

五

道德可久長作詩將自勸

大霧

欲曉霜氣重不收餘陰乘勢相淹留化爲大霧塞白晝
咫尺不辨人與牛羣鳥啁啾滿庭樹欲飛恐遭羅網囚
四簷掩謁下重幕微風吹過冷自流竊思朝廷政無盪
未嘗一日封五侯何爲終朝不肯散焉知其下無蚩尤
思得壯士翻白日光照萬里銷我之沈憂

藍田悟真寺作

旅食長安城迴遑奔走無停行清懷壯抱失素向胸中
堆積塵土生偷閒得至玉峰下爲聞悟真之寺之嘉名
杖叩赤脚渡藍水細流激激心骨清仰看蒼山高峰旁
白雲明滅藏日光行人遙指置寺處正在白雲之中央
遂巡緣棧更險絕攀蘿捫壁隨低昂朋行咫尺乃相失
已與雲霧相翱翔時聞啼鳥如吹竹數步一休還縱目
行行未知高則危下視昏烟覆平陸滿巖佳樹尤樸樸
赫赤如霞間濃綠是時八月初路旁已見紛紛菊貪奇
欽定四庫全書

蘇學士集
卷一

六

戀景不知倦側睥又復心瑟縮神魂飛下大壑幽定省
移時進雙足寺門高開朝日輝丹青點澹唐時屋老僧
引我周遊看且云白氏子詩乃實錄此詩疇昔予所聞
殷殷更向碑前讀按言索像今無復惟有流泉數道如
車輻我嫌世累欲暫居又云此地無留宿殿宇之後林
莽中日暮嘗有虎豹伏鑿石龕邊崖至深近有浮屠於
此相張觸快心宿怨兩不解一乃顛擗死其谷我聞爲
之久輦蹙此向期將避煩辱不爲傷生事爭如平地隨

流俗歎息回頭急出山始覺全軀已爲福

興慶池

餘潤漲龍渠疏溜連清漭助曉遠昏山浮秋明刮眼漁
歸別浦開雁下滄波晚岸北有高臺離魂蕩無限

長安春日效東野

前秋長安春今春長安秋節物自榮悴我有樂與憂窮
閤何卑漏時燕不見投門庭謝過從蘭萌舒綠柔燕託
喜廣廈亦非善是仇蘭生靜愈茂堪將義爲儔芳香誠

欽定四庫全書

蘇學士集
卷一

七

可慕對之蠲窮愁

太行道

行行太行道一步三太息念厥造化初夫何險此極左
右無底壑前後至頑石高者欲作天朋黨深者疑斷地
血脈夜中巖下埋斗杓日午陰壁風雪號攀緣有路到
絕仞四望羣峰合杳如波濤忽至逼側處咫尺顛墜恐
莫逃嗟乎古昔未開時隔絕往來人不思淳源一破山
岳碎巧心遂去緣嶮巖嶮不窮甚可畏悼此二者亡

其宜天地不自嶮嶮由人爲之彼車摧輪馬傷足中路
勿歎勿慟哭世上安塗故有焉孰使汝行此道驅高軒
喪墜不收宜爾然

對酒

丈夫少也不富貴胡顏奔走乎塵世予年已壯志未行
案上敦敦考文字有時愁思不可投崢嶸腹中失和氣
倚官得來太行顛太行美酒清如天長歌忽發淚迸落
一飲一斗心浩然嗟乎吾道不如酒平褊哀樂如摧朽

欽定四庫全書

蘇學士集
卷一

八

讀書百車人不知地下劉伶吾與歸

夜中

夜分衆諠死耿耿抱真履中君湛以寧不爲外官使七
兵乘間入攻剽勢向地主將不謀陣敵惡蕩然失守遽
藏避駭浪奔騰一刻萬里紛紛變化無窮已俄如獨繭
絲忽復滿天地乳虎不受縛狂龍難馴致我思精甲以
扞異類邪慝弗萌元辟復位輔以逍遙之至道爛然光
輝照無際

蜀士

蜀國天下險奇怪生中間有士賈其姓抱材東入關獻
冊叩諫鼓其言蔚可觀願以微賤軀一得至上前掉舌
滅西寇畫地收幽燕且云太平久兵戰無人言臣嘗學
其法自集數百篇治亂與成敗密然不可刪三獻輒罷
去志屈心悲酸將相門戶深欲往復見攔負販冒日熱
引重衝雪寒羈苦輦轂下以圖晨夕餐如此三歲餘夜
夜抱鄰歎義者或賑給遂復歸巴川嗟乎區宇大此徒
欽定四庫全書

蘇學士集
卷一

九

亦已繇城市與巖穴隱默孰辨旃幸得出自鬻何惜置
末班吾相柄天下處事當幾先古之設爵位蓋欲英雄
躔次第立名級不使智慮閑稍有才器者必以祿仕牽
所患在不出既出那棄指放蛟入大水驅虎還深山失
一故無害其類莫可攀

己卯冬大寒有感

延川未撤警夕烽照冰雪窮邊苦寒地兵氣相纏結主
將初臨戎猛思風前發朝笳吹餘哀壘鼓暮不絕淹留

未見敵愁端密如髮予聞古烈士自誓立壯節凡泥封

函關長纓繫南越本爲朝廷羞寧計身命活功名非與
期冊書豈磨滅然由在遇專醜類易翦伐訓士無他才
賞罰在果決近聞邊方奏中覆多沈沒罪者既稽誅功
者不見聞雖使頗牧生勇智當坐竭或云廟堂上與彼
勢相戛恐其立異勲歛然自超拔不知百萬師寒刮膚
革裂關中困誅斂農產半匱竭我欲叫上帝願帝下明
罰早令黠虜亡無爲生民孽

欽定四庫全書

蘇學士集
卷一

十

獵狐篇

老狐宅城隅涵養體豐大不知窟穴處草木但掩藹秋
食承露禾夏飲灌園派暮夜出旁舍雞畜遭橫害晚登
睥睨嗚呼吸召百怪或爲嬰兒啼或變豔婦態不知幾
十年出處頗安泰古語比社鼠蓋亦有恃賴邑中年少
兒耽獵若沈瘵遠郊盡雉兔近水殲鱗介養犬號青鶻
逐獸馳不再勇聞此老狐取必將自快縱犬索幽邃張
人作疆界茲時頗窘急迸出赤電駭羣小助呼噪奔馳

數顛沛所向不能入有類狼失狽鉤牙咋巨額髓血相
潰沫喘叫遂死矣爭觀若期會何暇正丘首腥臊滿蓬
艾數穴相穿通城堞幾墮壞久縱此凶妖一旦果禍敗
皮爲榻上藉肉作盤中膾觀此爲之吟書以爲警戒

難易言

效韋蘇州二首

擬挹鉛刀伐丹桂欲坐罽井攀青天排羅嬰兒拒九虎
未若以道干貴權

地上拾芥亦細碎掌裏數文猶苦辛脫使摘丸下峻坂

欽定四庫全書

蘇學士集卷一

十二

未若以財而發身

大小言

楚襄王登蘭臺命大夫作大言登陽臺命大夫作小言梁昭明太子殿鈞王規

皆嘗作

彎弓射月落揮劍決天開何言四溟廣并合不成杯託
身螟兩睫卜都牛一毛奔馳萬里外終不出秋毫

了語不了語

了語效晉顧凱之殷仲堪作不了語效唐雍裕之作

公餽欲成忽覆鼎銀餅汲絕還沈井乳虎咆哮落深窞

青萍一揮斷人頸

無言以手尋玕環寒暑迭運凋朱顏八駿踏地幾時徧
六龍駕日何年閒

舟中感懷寄館中諸君

時得告之山陽聖家

扁舟迎春色東下淮楚鄉側身風波地回首英俊場顧
我本俗材百事無一長濫迹入冊府舉動初不皇乍脫
泥滓底稍見日月光峻閣鬱前起隱嶙天中央春風花
竹明曉雨宮殿涼溢目盡圖史接翼皆鸞鳳明窗置刀
筆大案羅縑細文字雖幼學鈍庸今廢忘不能溫舊習

欽定四庫全書

蘇學士集卷一

十二

考古評興亡覲顏於其間汗下如流漿徒然日飽食出
入隨羣行朝廷比多事亦合強激昂况有詔書在爛然
貼北牆奮舌說利害以救民膏肓不然棄硯席挺身赴
邊疆喋血鏖羌戎胞膽森開張彎弓射撓槍躍馬埽大
荒功勳入丹青名迹萬世香是亦丈夫事不爲鼠子量
數事皆不能徒只飽腹腸有如鳬雁兒啁噪守稻粱歲
月今逝矣齒搖髮已蒼於時既無益自合早退藏諸君
天下選才業吁異常願當發策慮坐使中國強蠻夷不

敢欺四海無災殃莫效不肖者所向皆荒唐又不耐羞
恥但欲歸滄浪濡毫備歌咏仰首看翱翔舟中稍無事
思念益以詳恨無一稜田可以足糟糠出處皆未決語
默兩弗臧莽不知所爲大叫欲發狂作詩寄諸君鄙懷
實所望

送李生

李生以病廢東入徂徠峰志氣尚突兀形骸已龍鍾男
兒生世間有如絕壑松誤爲風雷傷不與匠石逢哀哉

欽定四庫全書

蘇學士集
卷一

十三

千尺幹摧折似秋蓬

蘇學士集卷一

欽定四庫全書

蘇學士集卷二

宋 蘇舜欽 撰

揚子江觀風浪

晚至瓜州渡繫舟泊西灣日落暴風起大浪得縱觀憑
凌積石岸吐吞天外山霹靂左右作雪灑六月寒吁嗟
至柔物威壯不可干若爲神龍憑氣勢非一端大艦失
所操翻覆如轉丸高山雖有路輟險馬足酸居朝號安
逸重祿多憂患爭得清靜交共騎雙翔鸞矯翅入赤霄
不見此險難奈何蚩蚩衆共處天壤間因知古聖人立
法萬世安濟川作舟梁鑄鼎窮神姦朝廷布禮度粲粲
莫可刪後來漸破壞所向行路難凶邪得騁志物命遭
摧殘視此念古昔杖藜空盤桓

哭曼卿

去年春雨開百花與君相會歡無涯高歌長吟插花飲
醉倒不去眠君家今年慟哭來致奠忽欲出送攀魂車
春暉照眼一如昨花已破蕾蘭生芽唯君顏色不復見

欽定四庫全書

蘇學士集
卷二

一

精魄飄忽隨朝霞歸來悲痛不能食壁上遺墨如棲鴉
嗚呼死生遂相隔使我雙淚風中斜

吾聞

吾聞壯士懷恥與歲時沒出必鑿凶門死必填塞窟風
生玉帳上令下厚地裂百萬呼吸間勝勢一言決馬躍
踐胡腸士渴飲胡血腥羶屏除盡定不存種孽子生雖
儒家氣欲吞逆羯斯時不見用感歎腸胃熱盡臥書冊
中夢過玉關關

欽定四庫全書

蘇學士集
卷二

二

送安素處士高文悅

皇天稔巨憝羌虜稽顯戮廟筭忽小醜王師數傾軀秦
民著暴斂慘慘生意感賊氣愈張王鋒銳不可觸帷幄
監前敗降心問白屋尺詔下中天公車塞章牘策慮盡
頗收勇決過賁育先生胸臆大經術內自足逸韻脫渾
塵素節抱冰玉獨恥論兵戰因時射君祿不唯吾志乖
亦使王道局放懷但文史散髮自溪谷近臣上薦書天
子渴高躅束帛三及門不免至京轍萬鍾非所好大議

夏鈞軸孤鸞入紫烟網苦安可東天風萬里長沆瀣朝
滿腹更期下翔集以爲蒼生福

贈釋祕演

高車大馬聞上京釋曰演者何聲名當年余嘗與之語
實亦可喜無俗情作詩千篇頗振絕放意吐出吁可驚
不肯低心事鑄鑿直欲淡泊趨杳冥落落吾儒坐滿室
共論慙若水陷釘賣藥得錢輒沽酒日費數斗同醉醒
傷哉不拂被佛縛不爾烜赫爲名卿數年不見今老矣

欽定四庫全書

蘇學士集
卷二

三

自說厭苦居都城垂頭孤坐若癡虎眼吻開合猶光精
雄心瞥起忽四顧便擬擊浪東南行開春余行可同載
相與曠快觀滄溟

城南感懷呈永叔

春陽泛野動春陰與天低遠林氣藹藹長道風依依覽
物雖變適感懷翻然移所見既可駭所聞良可悲去年
水後旱田畝不及犂冬溫晚得雪宿麥生者稀前去固
無望即日已苦飢老稚滿田野斲掘尋鳬茈此物近亦

盡卷耳共所資昔云能驅風充腹理不疑今乃有毒厲
腸胃生瘡痍十有七八死當路橫其尸犬豕咋其骨烏
鳶啄其皮胡爲殘良民令此鳥獸肥天豈意如此決蕩
莫可知高位厭梁肉坐論機雲霓豈無富人術使之長
熙熙我今飢伶俜閱此復自思自濟既不暇將復奈爾
爲愁憤多滿胸喉坵不能齊

吳越大旱

吳越龍蛇年大旱千里赤尋常杭柁地爛漫長荆棘蛟
龍久遁藏魚鼈盡枯腊炎暑發厲氣死者道路積城市
接田野慟哭去如織是時西賊羌凶蝕日熾劇軍須出

欽定四庫全書

蘇學士集
卷二

四

東南暴斂不暫息復聞籍兵民驅以教戰力吳儂水爲
命舟楫乃其職金革戈指矛生眼未嘗識鞭笞血塗地
惶惑宇宙窄三丁二丁死存者亦乏食冤對結不宣衝
迫氣候逆二年春夏不雨但赫日安得涼冷雲四散
飛霹靂霧電消殺腐甘潤起稻稷江波開舊漲淮嶺發
新碧使我揚孤帆浩蕩入秋色胡爲泥滓中視此久戚

戚長風卷雲陰倚柁淚橫臆

中秋夜吳江亭上對月懷前宰張子野及寄君
謨蔡大

獨坐對月心悠悠故人不見使我愁古今共傳惜今夕
況在松江亭上頭可憐節物會人意十日陰雨此夜收
不惟人間重此月天亦有意於中秋長空無瑕露表裏
拂拂漸漸寒光流江平萬頃正碧色上下清澈雙壁浮
自視直欲見筋脈無所逃遁魚龍憂不疑身世在地上
祇恐杳去觸斗牛景清境勝返不足歎息此際無交游
心魂冷烈曉不寢勉爲筆此傳中州

欽定四庫全書

蘇學士集
卷二

五

越州雲門寺

翠嶂環合封白雲中有蕭寺三爲鄰

雲門梁武帝所作
今分爲三寺相連

老松偃蹇若傲世飛泉噴薄如避人蒼猿嘯斷夜月古
丹花開徧陽崖春盤桓數日不忍去舟出邪溪猶慘神
和韓三謁歐陽九之作

予方居憂艱胸懷積瘡刺昏明走日月慘慘絕生意杜

門厭過從掩耳避時事韓子我所佳招我勲有謂城南
訪永叔共可豁蒙蔽是時窮陰久泥淖沒馬鼻區區不
憚遠飢渴奔高誼永叔聞我來解榻顏色喜殷勤排清
樽甘酸釘果餌圖書堆滿牀措論極根柢伊余昏迷中
忽若出夢寐劃然毛骨開精神四邊至既歸尚泠然數
日飽滋味韓子歎不足作詩暢情義爛如珊瑚鉤光豔
不可閉迫余使之和庶以同氣類自顧屯鈍極出語少
姿媚挾別雖強成徒使腸胃沸永叔經術深爛熳不可
欽定四庫全書

蘇學士集
卷二

六

既雖得終日談百未出一二倉皇逼行役蕭颯包素志
不日便乖折安能訖精粹他年老門牆君子無我棄

城南歸值大風雪

一夜大雪風喧逐未明跨馬城南回四方迷惑共一色
揮鞭欲進還徘徊舊時崖谷不復見縱有直道令人猜
低頭搶朔風兩眼不敢開時時偷看問南北但見白羽
之箭紛紛來既以脂粉傅我面又以珠玉綴我顙天公
似憐我貌古巧意裝點使莫偕欲令學此兒女態免使

埋沒隨灰埃據鞍照水失舊惡容質潔白如嬰孩雖然
外飾得整好自覺面目如刀裁又不知胸中肝膽掛鐵
石安能柔軟隨良媒世人飾詐我尚笑今乃復見天公
乖應時降雪故大好慎勿改易吾形骸

出京後舟中有作寄文韓二兄弟永叔歐陽九
和叔杜二

久居倦京城歸心日傾寫扁舟理棹楫已與峻流下斷
岸如崩山遠樹若奔馬回頭雲間闕出沒見圖畫還家
欽定四庫全書

蘇學士集
卷二

七

快雖輟去國傷以乍況我二三友眷戀數返駕前夕南
巷堤昨日東城舍論精如可收意密不見罅恍惚夢寐
中蕭然已相捨他人所至樂惟我氣類寡迂僻不能鑄
往往自嗟罵平生居京都君輩乃知者異鄉孰與言救
謗定不暇柔軟衆所佳佞面誰可借中懷百憂集包釀
似蘊鮓身世苦飄浮歲月不可把後期浩難知高吟但
悲灑

寄富彥國

自古猾者胡與羌胡羌相連動朔方姦謀陰就一朝發
直欲截割吾土疆遣使持書至闕下四方物論如沸湯
天子仄席旰未嘗相君日暮猶廟堂彥國感慨請奉使
誓將摧折其鋒鋌受詔驅馬出都門都人走觀歎且傷
猾胡聞風已厭伏聚聽大議羞亂常願如故約不敢妄
脫甲爭獻寶玉觴旌旌遶還上國所至觀者如傾江
丈夫奔蹶喜出泣婦女聚語氣激昂至尊虛懷坐楮牀
中人催入見未央對久赤日下輦道翠華影轉熏風涼

欽定四庫全書

蘇學士集
卷二

八

歸來堂上拜壽母賓車塞破甘泉坊衣塵未滌又出使
往來絕域如門墻已知高賢抱器識因時與國爲輝光
不煩一甲屈萬衆以此可見才短長彥國本爲廊廟器
何祇口舌平強梁使之當國柄天下夷狄豈復能猖狂

大風

秋半收穫登郊原歌側小屋愁夕眠是夜大風拔樹走
吹倒南壁如崩山夢中驚起但呼叫病僕未動徒喧喧
驅令燃火徧照燎瓦壁狼籍滿我前披衣抱枕欲避去

去此乃是曠野田况時風怒尚未息直恐涇渭遭吹翻
露坐不免念木杗必已刮剝無完根六事不和暴風作
嘗聞洪範有此言昔時大風禾盡偃上帝蓋直周公寃
方今天子至神聖惟恐臣下辜其恩是何此風乃震作
吹盡秋實傷元元有能返風起禾者亦足表異知所存
至誠皎潔固不昧時雖今古同乾坤

檢書

煩心思所持屏事入小閣踞撲下塵梁侈哆張敗笈雨

欽定四庫全書

蘇學士集
卷二

九

爛百數蕃蟲食三四莢軒昂醉墨闌纖悉新書雜魚子
或破碎蠶兒尚狎愉快心伯長文跋尾清臣搨幼辭反
知進故句時自愜墜亡多玩愛存聚必券帖疎密交及
戚前後生與殤誨東儼父師寒暑怖兒妾謔浪笑忽還
私匿情再接愴事涕泫泫憫時歎嗒嗒一餉誠寂寞千
里遽會合遊心到句涌開眼見蒼雪京華歷歷復節物
忽忽涉恍爾驚異方遁去乃幾臘回頭厭褻積舉體覺
疲蘭東閣聊欠伸夢斷風一颭高山扶層巔下與地盤